



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**GIREDI YA 12**

**XITSONGA: RIRIMI RO ENGETELA RO SUNGULA (FAL)**

**PAPILA RA VUNHARHU (P3)**

**HUKURI 2022**

**XILETELO XA MAKOREKETELO**

**TIMARAKA: 100**

**Xiletelo xa makoreketelo lexi xi na tipheji ta 15.**

**RHUBIRIKI: XITSALWANA [50 WA TIMARAKA]****LEMUKA:**

- Tirhisa rhubiriki minkarhi hinkwayo loko u koreketa xitsalwana xa vutumbuluxi (Papila ra vu3, XIYENGE XA A).
- Timaraka to sukela eka 0 kufikela eka 50 ti avanyisiwile hi tinhlamuselo ta 5 ta vuswikoti.
- Eka swilaveko swa Vundzeni, Ririmi na Xitayili, nhlamuselo yin'wana na yin'wana ya vuswikoti eka leta ntlhanu yi avanyisiwile hi swiyimo swimbirhi: xa le henbla na xa le hansi xikan'we na maavelo lawa ya tirhisiwaka ya timaraka.
- Xivumbeko a xi khumbeki hi xiyimo xa le henbla na xa le hansi.

**RHUBIRIKI YA MAAVELO YA TIMARAKA EKA MAKOREKETELO YA XITSALWANA EKA RIRIMI RO ENGETELA RO SUNGULA [TIMARAKA TA 50]**

Swiyenge	Vuswikoti byo hlawuleka	Vuswikoti bya le henbla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>VUNDZENI &amp; MAKUNGUHATELO</b>  (Mahlamulelo na miehleketo) Maveketelelo ya miehleketo eka makunguhatelo Ndzemuko wa xikongomelo, vaamukeri va mahungu na mbangu  <b>TIMARAKA TA 30</b>	<b>28–30</b>  <b>Xiyimo xa le henbla</b>  -Mahlamulelo yo hlawuleka/lama tlhontlhaka miehleketo na ku hundzisa eka leswi languteriweke -Miehleketo ya vutlhari, leyi tlhontlhaka miehleketo naswona leyi vupfeke -Mahungu ya veketeriwe hindlela yo hlawuleka naswona ku na nkhulukelano (nhlangano) ku katsa manghenelo, miri na masongelo/mahetelelo	<b>22–24</b>  -Mahlamulelo lama vumbiweke kahle swinene -Miehleketo leyi faneleke no tsakisa naswona yi kombisa vumboni byo va yi vupfile -Mahungu ya veketeriwe kahle swinene naswona ku na nkhulukelano (nhlangano) eka manghenelo, miri na masongelo/mahetelelo	<b>16–18</b>  -Mahlamulelo lama amukelekaka -Miehleketo leyi nga na nkhulukelano na ku khorwisa. -Mahungu ya veketeriwe kahle naswona ku na nkhulukelano (nhlangano) eka manghenelo, miri na masongelo/mahetelelo	<b>10–12</b>  -Mahlamulelo ma na nkhulukelano kun'wana -Miehleketo a yi twisiseki naswona a yi kombisi vutitumbuluxeri -Ku na vumboni byitsongo bya maveketelelo na nkhulukelano wa mahungu	<b>4–6</b>  -Mahlamulelo yo huhulula -Miehleketo yo hlanganahlangana yo va yi nga kongomisi mhaka. -Mahungu yo huhulula no vuyeleriwa -Mahungu a ya veketeriwangi kahle naswona ya hava nkhulukelano

**RHUBIRIKI YA MAAVELO YA TIMARAKA EKA MAKOREKETELO YA XITSALWANA EKA RIRIMI RO ENGETELA RO SUNGULA  
[TIMARAKA TA 50] (ku yisa emahlweni)**

Swiyenge	Vuswikoti byo hlawuleka	Vuswikoti bya le henhla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
	<b>25–27</b> -Mahlamulelo ya xiymo xa le henhla kambe lama nga riki na swihlawulekiso swa xitsalwana xo hlawuleka no tlhontla miehleketo. -Miehleketo ya vutlhari no vupfa -Mahungu ya veketeriwe hindlela ya vutshila naswona ku na nkhulukelano (nhlangano) eka manghenelo, miri na masongelo/mahetelelo.	<b>19–21</b> -Mahlamulelo lama vumbiweke kahle -Miehleketo leyi faneleke no tsakisa -Mahungu ya veketeriwe kahle naswona ku na nkhulukelano (nhlangano) eka manghenelo, miri na masongelo/mahetelelo.	<b>13–15</b> -Mahlamulelo lama amukelekaka kambe hungu a ri hlamuseriwangi ri twisiseka swinene -Miehleketo yi na nkhulukelano lowu eneleke na ku khorwisa -Mahungu ya veketeriwe kahlenyana naswona ku na nkhulukelanonyana (nhlanganonyana) eka manghenelo, miri na masongelo/mahetelelo.	<b>7–9</b> -Mahlamulelo hakanyingi a hi lama faneleke -Miehleketo yi tala ku va leyi nga hlanganangiki na ku hlanganahlangana -Ku hava vumbboni lebyi kombisaka maveketelelo lamanene na nkhulukelano wa mahungu.	<b>0–3</b> -A nga kalangi a ringeta ku angula ku ya hi nhlokohaka -Miehleketo hi leyi yi nga fanelangiki naswona a yi fambelani nakatsongo na nhlokohaka -A yi na nkongomo naswona yi pfuvapfuvekile.

**RHUBIRIKI YA MAAVELO YA TIMARAKA EKA MAKOREKETELO YA XITSALWANA EKA RIRIMI RO ENGETELA RO SUNGULA  
[TIMARAKA TA 50] (ku yisa emahlweni)**

Swiyenge	Vuswikoti byo hlawuleka	Vuswikoti bya le henbla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>RIRIMI, XITAYILI &amp; VUHLERI</b>  Thoni, rhejisitara, xitayili na ntivomarito swa fambelana na xikongomelo, nkucetelo, vundzeni na mahlawulelo ya marito Matirhiselo ya ririmi na swiaki na milawu ya rona, mahikahatelo, ntivoririmi na mapeletelo	<b>14–15</b>  -Thoni, rhejisitara, xitayili na ntivomarito swa fambelana swinene na xikongomelo, vaamukeri va mahungu na mbangu -Vutishebmi eka ku tirhisa ririmi naswona hindlela yo hlawuleka no tsakisa -Xi koka rinoko naswona xi na thoni leyinene no tlhavula -Swihoxo swa ntivoririmi na mapeletelo a swi tali ku va kona -Xi vumbiwile hindlela ya vutshila swinene.	<b>11–12</b>  -Thoni, rhejisitara, xitayili na ntivomarito swa fambelana kahle na xikongomelo, vaamukeri va mahungu na mbangu -Ririmi hi leri faneleke naswona thoni leyi tirhisiweke hi leyi faneleke minkarhi hinkwayo -Swihoxo swa ntivoririmi na mahikahetelo a swi talangi -Xi vumbiwile hindlela ya vutshila.	<b>8–9</b>  -Thoni, rhejisitara, xitayili na ntivomarito swa fambelana na xikongomelo, vaamukeri va mahungu na mbangu -Ririmi ri tirhisiwile hi mfanelo ku hlamusela mahungu -Thoni hi leyi faneleke -Ku tirhisiwile ririmi ro amukeleka ku tiyisisa vundzeni bya hungu	<b>5–6</b>  -Thoni, rhejisitara, xitayili na ntivomarito swa fambelana na xikongomelo, vaamukeri va mahungu na mbangu -Matirhiselo ya ririmi i ya xiyimo xa madyondza swinene. -Thoni na dikixini hi leswi swi nga faneriki -Ntivoririmi i wa mpimo wa le hansi	<b>0–3</b>  -Thoni, rhejisitara, xitayili na ntivomarito a swi fambelani na xikongomelo, vaamukeri va mahungu na mbangu -Ririmi a ri twisiseki -Ntivoririmi wa mpimo wa le hansi swinene wu endla leswaku mahungu ya nga twisiseki.
	<b>13</b>  -Ririmi i ra xiyimo xa le henbla naswona ri na thoni leyi faneleke no tlhavula -Swihoxo swa ntivoririmi na mapeletelo a swi tali ku va kona -Xi vumbiwile hindlela yo hlawuleka	<b>10</b>  -Ririmi ri koka miehleketo naswona hakanyingi ra vuyerisa -Thoni hi leyi faneleke na ku vuyerisa -Swihoxo swa ntivoririmi na mapeletelo i switsongo -Xi vumbiwile hindlela ya vutshila	<b>7</b>  -Matirhiselo lama faneleke ya ririmi eka minkarhi yin'wana -Hakanyingi thoni hi leyi faneleke kambe matirhiselo ya ririmi ya kayivelanya	<b>4</b>  -A ku tirhisiwangi ririmi leri faneleke -Ku tirhisiwile swivulwa swo fana kumbe switsongo leswi hambaneke -Ntivoririmi i wa mpimo wa le hansi swinene	
<b>XIVUMBEKO</b>  Swihlawulekiso swa xitshuriwa. Mavumbelo ya tindzimana na swivulwa.	<b>5</b>  -Mavumbelo ya nhlokohaka i ya xiyimo xa le henbla swinene -Vuxokoxoko lebyi hlawulekeke -Swivulwa na tindzimana swi vumbiwile hindlela ya xiyimo xa le henbla swinene.	<b>4</b>  -Vuxokoxoko byi vumbiwile hindlela yo twisiseka. -Ku na nkhulukelano -Swivulwa na tindzimana swi vumbiwile hindlela leyinene.	<b>3</b>  -Ku vumbiwile vuxokoxoko lebyi faneleke -Swivulwa na tindzimana swi na swihoxo -Xitsalwana xa ha twisiseka hambileswi xi nga na swihoxo.	<b>2</b>  -Ku na timhakankulunya leti faneleke -Swivulwa na tindzimana swi na swihoxo -Xitsalwana xa ha twisiseka hambileswi xi nga na swihoxo.	<b>0–1</b>  -Ku pfumaleka ka timhakankulu leti lavekaka -Swivulwa na tindzimana swi na swihoxo -Xitsalwana a xi twisiseki.
<b>TIMARAKA TA 5</b>					

**RHUBIRIKI YA MAAVELO YA TIMARAKA EKA MAKOREKETELO YA XITSALWAMBIKO XO LEHA EKA RIRIMI RO ENGETELA RO SUNGULA [TIMARAKA TA 30]**

Swiyenge	Vuswikoti byo hlawuleka	Vuswikoti byo le henbla	Vuswikoti byo amukeleka	Vuswikoti byo madyondza	Vuswikoti byo ka byi nga fikelelangi
<b>VUNDZENI, MAKUNGUHATELO &amp; XIVUMBEKO</b>	<b>15–18</b>	<b>11–14</b>	<b>8–10</b>	<b>5–7</b>	<b>0–4</b>
Mahlamulelo na miehleketo Maveketelelo ya miehleketo eka makunguhatelo Xikongomelo, vaamukeri va hungu, swihlawulekiso/milawu ya matirhiselo ya ririmi na mbangu  <b>TIMARAKA TA 18</b>	-Mahlamulelo yo hlawuleka na ku hundzisa leswi a swi languteriwile -Miehleketo ya vutlhari na ku vupfa. -Vutivi byo enta bya swihlawulekiso swa muxaka wa xitshuriwa -Matsalelo ya kongoma mhaka -Vundzeni na miehleketo swi na nkhulukelano -Nhlamuselo ya vuenti swinene naswona vuxokoxoko hinkwabyo byi seketela nhlokohaka -Xivumbeko lexi faneleke kambe xi ri na swihoxo switsongo swa nkhaqato.	-Mahlamulelo lamanene lama kombisaka vutivi lebyinene bya swihlawulekiso swa muxaka wa xitshuriwa -Ku na ku kongoma mhaka, a ku na ku huma emhakeni -Vundzeni na miehleketo swi na nkhulukelano, nhlamuselo ya vuenti naswona vuxokoxoko byi seketela nhlokohaka -Xivumbeko lexi faneleke kambe xi ri na swihoxo switsongo swa nkhaqato.	-Mahlamulelo yo ringanel a lama kombisaka vutivi bya swihlawulekiso swa muxaka wa xitshuriwa. -Mhaka a yi kongomihi ku hetiseka -Ku na ku humanyana emhakeni -Vundzeni na miehleketo swi na nkhulukelano lowu amukelekaka -Ku na vuxokoxoko byin'wana lebyi seketela nhlokohaka -Xivumbeko lexi faneleke hi ku angarhela kambe xi ri na swihoxo switsongo	-Mahlamulelo ya madyondza lama kombisaka vutivinyana bya swihlawulekiso swa muxaka wa xitshuriwa -Ku na ku kongomanyana kambe ku na ku pfa ku humiwa emhakeni. -A hi minkarhi hinkwayo vundzeni na miehleketo swi khulukelanaka -Ku na vuxokoxoko byitsongo lebyi seketela nhlokohaka -Milawu ya xivumbeko yi tirhisiwe hindlela yo ka yi nga twisiseki -Ku na swihoxo swo tala	-Mahlamulelo a ya kombisi vutivi bya swihlawulekiso swa muxaka wa xitshuriwa -Nhlamuselo a yi le rivaleni naswona yi humile swinene emhakeni -Vundzeni na miehleketo swi hava nkhulukelano -Ku na vuxokoxoko byitsongo swinene lebyi seketela nhlokohaka -A ku tirhisiwangi milawu ya xivumbeko leyi faneleke.

**RHUBIRIKI YA MAAVELO YA TIMARAKA EKA MAKOREKETELO YA XITSALWAMBIKO XO LEHA EKA RIRIMI RO ENGETELA RO SUNGULA [TIMARAKA TA 30] (ku yisa emahlweni)**

<b>Swiyenge</b>	<b>Vuswikoti byo hlawuleka</b>	<b>Vuswikoti bya le henbla</b>	<b>Vuswikoti byo amukeleka</b>	<b>Vuswikoti bya madyondza</b>	<b>Vuswikoti byo ka byi nga fikelelangi</b>
<b>RIRIMI, XITAYILI &amp; VUHLERI</b>	<b>10–12</b>	<b>8–9</b>	<b>6–7</b>	<b>4–5</b>	<b>0–3</b>
Thoni, rhejisitara, xitayili, xikongomelo/nkucetelo, vaamukeri va hungu na mbangu Matirhiselo ya ririmi na milawu ya matirhiselo ya ririmi Mahlawulelo ya marito Mahikahatelo na mapeletelo	-Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Ku na nkhaqato wa ntivoririmi naswona wu vumbiwile hi mfanelo -Swihoxo a swi tali ku vonaka.	-Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu -Hi ku angarhela ku na nkhaqato wa ntivoririmi naswona wu vumbiwile hi mfanelo. -Ntivomarito wa kahle swinene -A ku tali ku va na swihoxo	-Thoni, rhejisitara, xitayili na ntivomarito swi fambelana na xikongomelo, vaamukeri va hungu na mbangu -Ku na swihoxonyana swa ririmi -Ku na ntivomarito wo ringanela -Swihoxo a swi onhi nhlamuselo	-Thoni, rhejisitara, xitayili na ntivomarito swo fambelananyana na xikongomelo, vaamukeri va hungu na mbangu -Ntivoririmi wo pfumala nkhaqato wu tlhela wu va na swihoxo swo hlayanyana. -Ntivomarito wa mpimo wa le hansi -Nhlamuselo a yi le rivaleni	-Thoni, rhejisitara, xitayili na ntivomarito a swi fambelani na xikongomelo, vaamukeri va hungu na mbangu -Swihoxo swi tele naswona ku na ku hlanganahlangana ka timhaka. -Ntivomarito a wu fambelani na xikongomelo -Nhlamuselo a yi twali nakatsongo
<b>TIMARAKA TA 12</b>					
<b>MAAVELO YA TIMARAKA</b>	<b>25–30</b>	<b>19–23</b>	<b>14–17</b>	<b>9–12</b>	<b>0–7</b>

**RHUBIRIKI YA MAAVELO YA TIMARAKA EKA MAKOREKETELO YA XITSALWAMBIKO XO KOMA EKA RIRIMI RO ENGETELA RO SUNGULA [TIMARAKA TA 20]**

Swiengen	Vuswikoti byo hlawuleka	Vuswikoti bya le henbla	Vuswikoti byo amukeleka	Vuswikoti bya madyondza	Vuswikoti byo ka byi nga fikelelangi
<b>VUNDZENI, MAKUNGUHATELO &amp; XIVUMBEKO</b>  Mahlamulelo na miehleketo Maveketetelelo ya miehleketo eka makunguhateloo Swihlawulekiso/Milawu ya matirhiselo ya ririmi na mbangu  <b>TIMARAKA TA 12</b>	<b>10–12</b>  -Mahlamulelo yo hlawuleka na ku hundzisa leswi a swi languteriwile -Miehleketo ya vutlhari na ku vupfa -Vutivi byo enta bya swihlawulekiso swa muxaka wa xitshuriwa. -Matsalelo ya kongoma mhaka -Vundzeni na miehleketo swi na nkhulukelano -Nhlamuselo ya vuenti swinene naswona vuxokoxoko hinkwabyo byi seketela nhlokohmaka -Xivumbeko lexi faneleke kambe xi ri na swihoxo switsongo swa nkhaqato	<b>8–9</b>  -Mahlamulelo lamanene lama kombisaka vutivi lebyinene bya swihlawulekiso swa muxaka wa xitshuriwa -Ku na ku kongoma mhaka, a ku na ku huma emhakeni -Vundzeni na miehleketo swi na nkhulukelano, nhlamuselo ya vuenti naswona vuxokoxoko byi seketela nhlokohmaka -Xivumbeko lexi faneleke kambe xi ri na swihoxo switsongo swa nkhaqato	<b>6–7</b>  -Mahlamulelo yo ringanelo lama kombisaka vutivi bya swihlawulekiso swa muxaka wa xitshuriwa -Mhaka a yi kongomiwi hi ku hetiseka -Ku na ku humanyana emhakeni -Vundzeni na miehleketo swi na nkhulukelano lowu amukelekaka. -Ku na vuxokoxoko byin'wana lebyi seketelaka nhlokohmaka -Xivumbeko lexi faneleke hi ku angarhela kambe xi ri na swihoxo switsongo	<b>4–5</b>  -Mahlamulelo ya madyondza lama kombisaka vutivinyana bya swihlawulekiso swa muxaka wa xitshuriwa -Ku na ku kongomanyana kambe ku pfa ku humiwanyana emhakeni -A hi minkarhi hinkwayo vundzeni na miehleketo swi khulukelanaka -Ku na vuxokoxoko byitsongo lebyi seketelaka nhlokohmaka -Milawu ya xivumbeko yi tirhisewe hindlela yo ka yi nga twisiseki -Ku na swihoxo swo tala	<b>0–3</b>  -Mahlamulelo a ya kombisi vutivi bya swihlawulekiso swa muxaka wa xitshuriwa -Nhlamuselo a yi le rivaleni naswona yi humile swinene emhakeni. -Vundzeni na miehleketo swi hava nkhulukelano -Ku na vuxokoxoko byitsongo swinene lebyi seketelaka nhlokohmaka -A ku tirhisewangi milawu ya xivumbeko leyi faneleke
<b>RIRIMI, XITAYILI &amp; VUHLERI</b>  Thoni, rhejisitara, xitayili, ntivomarito wu fanele xikongomelo na mbangu Matirhiselo ya ririmi na milawu ya matirhiselo ya ririmi Mahlawulelo ya marito Mahikahatelo na mapeletelo  <b>TIMARAKA TA 8</b>	<b>7–8</b>  -Thoni, rhejisitara, xitayili na ntivomarito swi fambelana swinene na xikongomelo, vaamukeri va hungu na mbangu. -Ku na nkhaqato wa ntivoririmi naswona wu vumbiwile hi mfanelo -Swihoxo a swi tali ku vonaka	<b>5–6</b>  -Thoni, rhejisitara, xitayili na ntivomarito swi fambelana na xikongomelo, vaamukeri va hungu na mbangu -Hi ku angarhela ku na nkhaqato wa ntivoririmi naswona wu vumbiwile hi mfanelo -Ntivomarito wa kahle swinene. -A ku tali ku va na swihoxo	<b>4</b>  -Thoni, rhejisitara, xitayili na ntivomarito swi fambelana na xikongomelo, vaamukeri va hungu na mbangu -Ku na swihoxonyana swa ririmi -Ku na ntivomarito wo ringanelo. -Swihoxo a swi onhi nhlamuselo	<b>3</b>  -Thoni, rhejisitara, xitayili na ntivomarito swo fambelananyana na xikongomelo, vaamukeri va hungu na mbangu -Ntivoririmi wo pfumala nkhaqato wu tlhela wu va na swihoxo swo hlayanyana -Ntivomarito wa mpimo wa le hansi -Nhlamuselo a yi le rivaleni.	<b>0–2</b>  -Thoni, rhejisitara, xitayili na ntivomarito a swi fambelani na xikongomelo, vaamukeri va hungu na mbangu -Swihoxo swi tele naswona ku na ku hlanganahlangana ka timhaka. -Ntivomarito a wu fambelani na xikongomelo -Nhlamuselo a yi twali nakatsongo
<b>MAAVELO YA TIMARAKA</b>	<b>17–20</b>	<b>13–15</b>	<b>10–11</b>	<b>7–8</b>	<b>0–5</b>

### MAAVELO YA TIMARAKA

<b>XIYENGE XA A: <u>XITSALWANA: TIMARAKA TA</u></b>	<b>50</b>
<b>VUNDZENI NA MAKUNGUHATELO</b>	<b>(VM): 30</b>
<b>RIRIMI, XITAYILI NA VUHLERI</b>	<b>(RXV): 15</b>
<b>XIVUMBEKO</b>	<b>(X): 05</b>
<b>NTSENGO</b>	<b><u>50</u></b>
<b>XIYENGE XA B: <u>XITSALWAMBIKO XO LEHA: TIMARAKA TA</u></b>	<b>30</b>
<b>VUNDZENI, MAKUNGUHATELO NA XIVUMBEKO</b>	<b>(VMX): 18</b>
<b>RIRIMI, XITAYILI NA VUHLERI</b>	<b>(RXV): 12</b>
<b>NTSENGO</b>	<b><u>30</u></b>
<b>XIYENGE XA C: <u>XITSALWAMBIKO XO KOMA: TIMARAKA TA</u></b>	<b>20</b>
<b>VUNDZENI, MAKUNGUHATELO NA XIVUMBEKO</b>	<b>(VMX): 12</b>
<b>RIRIMI, XITAYILI NA VUHLERI</b>	<b>(RXV): 08</b>
<b>NTSENGO</b>	<b><u>20</u></b>

### MIMFUNGHO YA MAKOREKETELO

<b>MFUNGHO</b>	<b>NHLAMUSELO</b>
–	Nkhwati /ntila ehansi ka xihoxo xin'wana na xin'wana.
II	Etlhelo ra xinene eka swivulwa leswi nga twisisekiki.
=	Etlhelo ra xinene loko mukamberiwa a nga avangi xitshuriwa xa yena hi tindzimana.
m	Ku kombisa mbuyelelo wa timhaka kumbe marito.
↓	A nga fikangi emakumu ka pheji.
↑	A a fanele a sungurile ehenhla ka mintila leyi a nga yi tlula.
←	A a fanele a sungurile eku sunguleni ka ntila eximatsini.
→	A nga fikangi emakumu ka ntila eka tlhelo ra xinene.
/	Loko a hlanganisile marito.
—	Loko a hambanisile marito.

## **SWILETELO SWA MAKOREKETELO**

### **XIYENGE XA A: XITSALWANA**

#### **XIVUTISO XA 1**

**1.1 Siku hi nga endzeriwa hi muendzi wa nkoka hi nga swi langutelangi.**

Xitsalwana xa muxaka lowu i xa ndzungulo.

Mukamberiwa u languteriwa ku rungula hi siku leri va nga endzeriwa va nga swi langutelangi.

Mukamberiwa a nga ha katsa na leswi landzelaka:

- Siku na nkarhi lowu muendzi wa nkoka a nga fika hi wona.
- Vuxaka bya hina na muendzi loyi na lomu a huma kona.
- Xivangelo xa ku va a endzile.
- Mindzhwalo leyi a nga ta na yona.
- Mizingiriko leyi nga va kona loko ku ri na muendzi.
- Siku/nkarhi a nga lela hi wona, leswi nga humelela na leswi dyondziweke.

(Amukela na tin'wana tinhlamulo leti fambelanaka na nhlokomhaka.)

**[50]**

**1.2 Vunene byo pfunu vanhu van'wana.**

Xitsalwana xa muxaka lowu i xa nhlamuselo.

Mukamberiwa u languteriwa ku tsala xitsalwana a hlamusela vunene byo pfunu vanhu van'wana.

Mukamberiwa a nga ha katsa na leswi landzelaka:

- Tindlela leti munhu a nga pfunaka van'wana ha tona.
- Ntsako lowu munhu a wu kumaka loko a pfunu van'wana.
- Ku tisa ntshembo eka lava u va pfunaka.
- Leswi munhu a nga va pfunaka hi swona.
- Matitwelo ya vanhu lava va pfuniwaka.
- Dyondzo leyi munhu a yi nyikaka vanhu van'wana.

(Amukela na tin'wana tinhlamulo leti fambelanaka na nhlokomhaka.)

**[50]**

### 1.3 Mintlangu yi hlanganisa vanhu va tinxakaxaka to hambana.

Xitsalwana xa muxaka lowu i xa nkanelo.

Mukamberiwa u languteriwa ku kanela hi ku va mintlangu yi hlanganisa tinxakaxaka to hambana.

Mukamberiwa a nga ha katsa na leswi landzelaka:

- Manghenelo yo kombisa ku twisia nhlokomhaka.
- Mintlangu yo hambanahambana leyi tlangiwaka hi tinxakaxaka to hambana.
- Ku tiendlela vunghana.
- Ku nyika vutivi.
- Ku va vanhu va tinxakaxaka to hambana va hlalela kun'we ntlangu lowu va wu rhandzaka.
- Ku avelana vutivi na matitwelo.
- Ku khongotelana eka ku hluleka.

(Amukela na tin'wana tinhlamulo leti fambelanaka na nhlokomhaka.)

[50]

### 1.4 Misava hi yona ikhonomi ya vaakatiko. Pfumela kumbe u kaneta mhaka leyi.

Xitsalwana xa muxaka lowu i xa mavonelo.

Mukamberiwa u languteriwa ku pfumela kumbe ku kaneta leswaku misava ya vona hi yona ikhonomi ya vaakatiko.

Mukamberiwa a nga ha katsa na leswi landzelaka:

#### Ku pfumela

- Manghenelo lama kombisaka ku twisia nhlokomhaka.
- Swicelwa leswi kumekaka etimayini.
- Xiave xa vurimi eka ikhonomi.
- Ku tumbuluka ka mintirho hikokwalaho ka swicelwa na vurimi.
- Ku lombisa misava eka lava lavaka ku hluvukisa ndhawu.
- Ku tlakuka ka ikhonomi hikokwalaho ka leswi kumekaka eka misava ya vaakatiko.

#### Ku kaneta

- Manghenelo lama kombisaka ku twisia nhlokomhaka.
- Ku va swicelwa swi nga vuyerisi vaakatiko.
- Ku va ikhonomi yi ya ehansi hambi ku ri na swicelwa.
- Ku pfumaleka ka mintirho.
- Ku pfumaleka ka vutivi na ntokoto wo tirhisa misava.
- Ku pfumaleka ka vutivi byo tirhisa swicelwa swo fana na nsuku na swin'wana na swin'wana.
- Ku va ikhonomi ya tiko yi lawuriwa hi vanhu vo huma ehandle.

(Amukela na tin'wana tinhlamulo leti fambelanaka na nhlokomhaka.)

[50]

**1.5      Maphorisa ya fanele ku teka ndhawu ya wona etikweni.**

Xitsalwana xa muxaka lowu i xa nkanelo.

Mukamberiwa u languteriwa ku kanela mhaka ya ku va maphorisa ya fanele ku teka ndhawu ya wona etikweni.

Mukamberiwa a nga ha katsa na leswi landzelaka:

- Manghenelo yo kombisa ku twisia nhlokomhaka.
- Ku endla ntirho hi vutshembeki.
- Ku sivela ku lavisisa na ku lwisana na vugevenga.
- Ku sivela madzolonga etikweni.
- Ku sivela vaakatiko ku veka nawu emavokweni ya vona.
- Ku hlayisa vaakatiko na ku sirhelela tinhundzu ta vona.
- Ku vona leswaku vanhu va hlonipha na ku hlayisa nawu.
- Ku sivela ku xanisiwa ka vaxisati na vana.
- Ku ka va nga tihlanganisi na vugevenga.

(Amukela na tin'wana tinhlamulo leti fambelanaka na nhlokomhaka.)

**[50]**

**1.6 – 1.8**    Eka swivutiso swa 1.6–1.8 mukamberiwa u ta xiyaxiya swifaniso leswi a nyikiweke swona kutani a tsala xitsalwana hi xin'we xa swona, a aneka mhaka leyi xi n'wi tiselaka yona emiehlekeweni. U ta nyika xitsalwana xa yena nhlokomhaka leyi faneleke.

**[50]**

**NTSENGO WA XIYENGE XA A:**    **50**

## **XIYENGE XA B: XITSHURIWA XA XITSALWAMBIKO XO LEHA**

### **XIVUTISO XA 2**

#### **2.1 PAPILA RA XINGHANA**

Mukamberiwa u languteriwa ku tsalela munghana wa yena papila a n'wi rhamba ku ta tlangela na yena siku ra ndhavuko.

Mukamberiwa a nga ha katsa na leswi landzelaka:

- Adirese yin'we eka tlhelo ra xinene ehenhla.
- Xiloso.
- Vuxokoxoko hi ku landza xivutiso.
- Nsariso.

[30]

#### **2.2 AJENDA NA MAKANELWA**

Mukamberiwa u languteriwa ku tsala ajenda na makanelwa ya nhlengeletano ya vandla ra 'A hi basiseni ndhawu ya hina' leyi va nga va na yona.

Mukamberiwa a nga ha katsa na leswi landzelaka:

- Nhlokomhaka.
- Ku longoloxa timhaka ta ajenda.
- Ku pfula nhlengeletano.
- Ku amukela.
- Nongonoko wa mavito ya lava a va ri kona na lava tsandzekeke.
- Ku hlayiwa ka makanelwa ya nhlengeletano leyi hundzeke.
- Ku nyika swirho nkarhi wa ku amukela makanelwa.
- Vuxokoxoko bya timhaka leti humaka eka makanelwa lawa ya hlayiweke na swiboho leswi tekiweke.
- Timhaka ta siku na ku teka swiboho.
- Switiviso.
- Ku pfala nhlengeletano.
- Nsayino wa mutsari na mutshamaxitulu.
- Ku sikuhata.

[30]

## 2.3 **NHLUTO**

Mukamberiwa u ta tsala nhluto wa xinkhubyana lexi a va ri na xona xo tlanelo malembe ya makumenhungu ya kokwana wa yena.

Mukamberiwa a nga ha katsa na leswi landzelaka:

- Nhlokomhaka ya nhluto hi maletere lamakulu.
- Siku na ndhawu laha ntlangu a wu endleriwa kona.
- Nhluto wa leswi nga humeleta eka siku leri.
- Swibumabumelo.
- Vito ra muhluti emakumu ka mahungu.

[30]

## 2.4 **MBULAVULO**

Mukamberiwa u ta tsala mbulavulo wo hloholotela vaseketeri va xipanu ku seketela pfhumba ro tlakusa nkama wo xava junifomo ya vatlangi.

Mukamberiwa a nga ha katsa na leswi landzelaka:

- Nhlokomhaka ya mbulavulo.
- Ku xeweta nhlengeletano ku ya hi swiyimo swa varhambiwa.
- Ku khensa ku nyikiwa nkarhi wo vulavula.
- Ku titivisa, ku katsa na vito ra xipanu.
- Ku hloholotela vaseketeri ku seketela pfhumba ro tlakusa nkama wo xava junifomo ya vatlangi.
- Ku kombisa leswi se swi languteriweke eka vona.
- Ku khensa ku yingiseriwa na ku gimeta mbulavulo.

[30]

**NTSENGO WA XIYENGE XA B:** **30**

## **XIYENGE XA C: XITSHURIWA XA XITSALWAMBIKO XO KOMA**

### **XIVUTISO XA 3**

#### **3.1 XINAVETISO**

Mukamberiwa u languteriwa ku tsala xinavetiso xa bindzu ro tleketla nhundzu ku yi yisa etindhawini to hambahambana.

Mukamberiwa a nga ha katsa na leswi landzelaka:

- Vito ra bindzu.
- Xilogeni.
- Ndhawu laha bindzu ri nga kona.
- Muxaka wa swifambo leswi tirhisiwaka.
- Minkarhi ya bindzu.
- Mintsengo.
- Vutihlanganisi.

[20]

#### **3.2 HUNGU RA *WhatsApp***

Mukamberiwa u languteriwa ku tsala hungu ra WhatsApp exikarhi ka vanhu vambirhi lava angulana ka ntlhanu hileswi va tiphineke hi swona emaheleni ya vhiki.

Mukamberiwa a nga ha katsa na leswi landzelaka:

- Vito kumbe nomboro ya loyi hungu ri yaka eka yena.
- Hungu ra murhumeri na ra muanguri ya landzelelana.
- Ku angulana loku fambelanaka na xivutiso.
- Siku na nkarhi lowu hungu ri kumiweke hi wona.

Loko murhumeriwa a kuma rungula ku ta vonaka leswi landzelaka:

- Vito kumbe nomboro ya murhumeri wa rungula.
- Rungula leri rhumeriweke na tiimoji.
- Siku na nkarhi lowu hungu ri rhumeriweke hi wona.

[20]

### 3.3 SWILETELO

Mukamberiwa u languteriwa ku tsala swiletelo leswi nga ta landzeleriwa hi makwavo loko a ya exikolweni, ku suka exitichini xa mathekisi ku ya fika exikolweni xintshwa.

Mukamberiwa a nga ha katsa na leswi landzelaka:

- Ndhawu laha xikolo xi nga kona.
  - Vito ra xitichi xa mathekisi.
  - Mpfhuka wo suka exitichini ku ya exikolweni.
  - Mavito ya switarata.
  - Miako na switumbuluxiwa leswi a nga ta swi hundza na tlhelo leri swi nga eka rona.
  - Mihlovo leyi nga pfunaka loyi u nyikaka yena swiletelo.
  - Marito lama ya hlamuselaka matlhelo, timheho na mafambelo.
- [20]

**NTSENGO WA XIYENGE XA C:** 20  
**NTSENGO WA TIMARAKA:** 100